

75665/4642(9)

CM	0	1	2	3	4	5	6	7	8	9	10	11	12	13	14	15	16	17
Lab D50 2°	95/0/2	81/0/0	66/0/0	51/0/1	35/0/0	20/0/0	29/19/-54	55/-39/33	42/57/29	82/4/79	51/50/-13	50/-28/-29						
	38/14/16	66/16/18	50/-5/-22	43/-14/21	55/-9/-25	71/-32/0	62/34/60	40/9/-43	52/48/17	31/21/-21	72/-23/57	73/19/68						

Harvard College Library Imaging Services <http://imaging.harvard.edu>



CHINESE-JAPANESE LIBRARY  
HARVARD-YENCHING INSTITUTE  
AT HARVARD UNIVERSITY

DEC 9 1953



焚香記

陽告

哈佛大學漢和  
圖書館珍藏印

外扮大王上人間私語。天聞若雷。暗室虧心。神目如  
電。小聖海神的便是。判官何在。雜扮鬼判上今日北  
方有一婦人。到廟伸訴冤枉。不許阻擋。雜應介領法  
旨。

正宮端正好旦上恨漫漫天無際。王魁這賊閃賺人  
無靠無依。我向那海神靈訴出從前誓。勾取那辜恩  
賊。



奴家被王魁背盟再娶。媽媽逼令改嫁。幾乎毆死了也。此恨無由申泄。只得到海神廟。把前日焚香設誓的情由。一一訴告海神爺。求他做箇明證。呀。這是海神爺。就把裏情申訴一番。爺爺。奴家姓敷名桂英。與濟寧王魁結爲夫婦。前年上京取應。與他在爺爺面前。焚香設誓。誓同生死。若負初心。永墮地獄。如今他得中狀元。別娶了韓丞相女爲妻。一旦把奴休了。害得奴家。上天無路。入地無門。奴家把前後因由。細訴一番。望爺爺早賜報應。那廝。

滾繡球。他因功名阻歸。寄萊陽淹滯。與奴家呵水萍逢。遂諧匹配。從結髮幾年間。似水如魚。我將心兒沒盡藏的傾。意見也滿載的癡。誰想他暗藏着拖刀之計。一謎價口是心非。鐵錚錚道生同歡笑。死同悲。到如今富且易交。貴可易妻。海神爺你道他薄倖何如。望大王爺。捫取那廝的魂靈來。與奴家折證麼。大王爺。呀。怎的不採着奴家。判官爺。與奴家在大王面前。稟復一聲。小鬼哥哥。你也是知道的。判官不肯與奴家稟復。你與我稟告一聲如何。天那。



叨叨令。且這根由天知和地知。他赴科場時。與奴家  
臨別呵。一同價在神前焚香誓負盟的恰。也在刀劍  
成粉齏。他慘模糊將心瞞昧。且的幸登選。魁就氣  
昂昂。忘了貂裘敝。別戀着紅粧翠眉。笑吟吟滿將糟  
糠棄。大王爺他心兒兀的不狠殺人。也麼哥。大王爺  
你赤緊的勾。拿那厮只索與咱明明白白的對。  
大王爺。你須索知道麼。呀。怎麼不言不語。不與奴家  
做箇主張。大王爺。

脫布衫。他是好生的恁。筌得魚。明犯着再娶停妻  
那日在大王前言猶在耳。大王爺。今日呵。却怎生假  
粧聾。佯沒理會。

小梁州。那厮他欺罔神靈恁。已爲全不怕冥法。幽司  
大王爺。與奴家做箇主張麼。呀。一任咱一拜一悲啼。肝  
腸碎。怎不解這情辭。判官爺。你與我在大王面前。方  
便一聲。判官爺。那日從頭至尾。盟心事。一二的你恰  
也都知。判官爺。與奴家方便一聲。判官爺。啐。小鬼哥。  
判官不肯真。你也是知道的。你可替奴家稟一聲。小  
鬼哥。啐。也都佯不做無答對。你看一堂神聖。從早拜



告到如今。都不採着奴家。煩絮得神鬼顛倒。心慌慌睡魔催。

苦。海神爺。奴家告了。一日。並不採着奴家。如今天色已晚。待欲回家。爭奈神思困倦。寸步難行。不免在此神爺面前。暫睡片時。起來再告。正是一覺放開心未穩。夢魂先已到陽臺。因介末鬼判。把那婦人的靈魂。扞將過來。雜領法旨。末婦人。若知前世因。今生受者是。欲知後世因。今生作者是。敷桂英。你與王魁。前世有善惡相關。爭奈有陰陽間隔。難以處分。直待你陽壽終時。到吾殿下。纔與你明白折證。小鬼。把那婦人

扶出殿門。收拾威嚴。雜扶介末。正是閉門不管窓前月。分付梅花自主張。下旦醒介。奇恠。奇恠。方纔畧睡一會。分明大王與咱一夢。道陰陽間隔。難以處分。待奴陽壽終時。與奴明白。天那。怎能勾陽壽終時。得見大王。呀。我的身子。怎麼到在殿門外東廊下。想必是陰空扶出我來。好苦。你看殿門已閉。天已昏黑。教奴歸又難行。住又難宿。如何是好。苦。怎生過得這一宵。如今不知幾更時分了。



滿庭芳你聽鴈聲天際嘹嘹嚦嚦耿耿咳淒淒他那  
裡慘離羣任孤飛只是一生一配又誰知道有人心  
的也不念一夜夫妻他那裡繡羅幃成雙作對我這  
裡在泥神廟倚磚枕石尋思起就裡心窩中疼疼不  
疼滿胸臆氣也咳不氣

奴家夢見大王囑付之言畢竟是箇死方泄此冤我  
想起來在這箇所在將什麼東西尋箇死路呀有箇  
香羅帕在此把他做箇了身之計罷

朝天子苦我把那紅顏玉姿掩黃沙白骨霎時間辭  
入世這的下場頭夫妻恩義那香羅帕做頭敵花蛇  
也香枯脂拋粉墜王魁呵我向前行你也難迴避哭  
咱一會罵他一會這的是永訣辭了咽喉氣

好苦好苦羅帕羅帕可惜你千絲萬縷織成一段離  
愁不知前世甚冤仇今日將咱了手袖裡恹惶知否  
眼中血淚難收從今與你兩情休猶在咽喉左右絞  
介王魁你害得我好苦死介

步步嬌外上只爲一紙讒書至未審真和僞教人心  
下疑致使吾兒不存不濟舉步詣靈祠探取兒詳細



咳。不如意事常八九。可與人言無二三。天道世情多  
反覆。冤仇恩愛兩相擔。老漢謝德惠。只因玉魁中了  
狀元。寄家書回來。把桂英休了。我家媽媽。抵死逼勒  
他改嫁那金員外。桂英無計奈何。日夜啼哭聲聲要  
去尋死。昨早五更出門。到晚不歸。尋覓了一夜。絕無  
踪跡。想必他去海神廟中禱告。迷失在那裡。也未可  
知。你看曙色蒼蒼。鷄聲杳杳。這裡已是海神廟了。呀。  
殿門謹閉。人聲寂然。不見在此。且待廊下看來。莫非  
睡倒在這裡。這是箇婦人睡着。想是他了。呀。果然是  
他。桂英桂英。我那兒起來回去罷。如何能睡得熟。原  
來把羅帕纏死在此。我那兒好苦。待我解下那羅帕  
來看呀。渾身都冷了。我那兒死得好苦。爲什麼來由  
山坡羊。白茫茫風波平地。杳沉沉靈寃何處。你恨漫  
漫含冤在九泉。都是你那鐵心腸的娘。生擦擦逼你  
將身棄。我那兒見你好心性痴。這休書。又不知是真的  
是假的。也須問箇是與非。如何不耐些兒氣。如今呵  
一入冥途無路歸。我的兒。雖不是我親生的呵。須知  
滿望終身靠着伊。誰知今日番教斷送伊。



我那兒。你死在這裡家中又不知道如何是好。**丑上**  
自不整衣毛。何須夜夜號。我那桂英不肯依我改嫁  
那金員外。昨日潛自出門。至今不見歸家。今日五更  
我那老兒。到海神廟去尋他。也不見回來了。不免我  
自去尋他回來。再擺佈他一場。我那兒。不要說要你  
改嫁。要你死。一定死還我來。這裡已是海神廟。誰人  
在裡頭啼啼哭哭。**見外介**呀。老兒。你爲何啼哭。**外**你  
看。這不是桂英。被你威逼不過。把羅帕纏死在這裡  
了。**丑**呀。果然死了。我那兒。你好沒分曉。那王魁是什  
麼好人。你把性命也爲他斷送了。

**前腔丑**你眼巴巴指望夫榮妻貴。誰想他呵惡狠狠  
一旦忘恩失義。你氣冲冲不肯改嫁。那富室急煎煎  
情愿做無夫鬼。你也休怨誰。明明是他害你。**外**是你  
逼他嫁人。就是你害了他。倒說他害你。**丑**怎麼是我  
害他。都是他焚香剪髮。賢夫婿我那兒。你若告到陰  
司。非干娘事。也須知滿望終身靠着伊。誰知今日番  
教斷送伊。

外媽媽如今他死了。衣棺將何措辦。**丑**他衣服還有



幾件。那身上穿的好在這裡。我見王魁去後。他裡邊衣上。都打着同心結。金鈕扣。也有十來副在上。外不信有許多。丑你不信。我取幾副與你看。摸介呀。公公。這箇丫頭是詐死。外怎麼有這等事。丑你不信。心窩上還是熱的。外有這等事。待我看來。呀。果然還是熱的。丑我知道了。三五箇月前。與他算命。說他有兩晝夜黃泉之厄。後來還有起死回生之兆。外原來如此。寧可信其有。不可信其無。我與你。且把他扶在殿後空房中。看守一兩日。禱告神道。尋箇醫人救他一救。倘有再生之日。也未可知。丑這箇也使得。扶他進去了。待我回去。報與二姨知道。下



寶劍記

夜奔

點絳脣生上數盡更籌聽殘玉漏迹秦楚好教俺有  
國難投那場兒相窮究

欲送登高千里暮愁雲低鎖衡陽路魚書不至鴈無  
憑幾番濕作悲秋賦回首西山日已斜天涯苦若堪  
誰訴丈夫有淚不輕彈只因未到傷心處俺林冲只  
因一時怒殺高球奸細二人。幸喜得黑夜無人知覺。  
迹至柴大官庄上。又蒙他修書一封。教俺投奔梁山。



日間不敢行走。夜來山路崎嶇。呀。前面黑洞洞。想是  
一所村店。不免借宿一宵。明早再行。多少是好。呀。原  
來一所古廟。行來不覺精神勞倦。少睡片時。且喜此  
廟中無人在此。不免到伽藍神聖尊前。禱告一番。向  
神介伽藍神聖。念林冲乃逃難之人。身負冤讐。莫能  
伸雪。今晚借宿在此。望神明陰中保佑。指引前途。作  
睡介淨扮伽藍上生前能護國。死後作伽藍。眼觀三  
萬里。日赴九千壇。吾乃本廟護國伽藍神是也。今有  
天雄星避難至此。不免指引他一番。多少是好。林冲  
將軍。擡頭起來。聽我分付。今有徐寧帶領官兵。追至  
黃河渡口。捉拿你甚緊。你今番不走。等待幾時。正是  
大抵乾坤都一照。免教人在暗中行。下生醒驚介呀。  
唬死我也。唬死我也。朦朧之中。似夢非夢。分明夢見  
本廟護法伽藍神聖。道有金鎗手徐寧。帶領官兵。追  
至黃河渡口。捉拿你甚緊。道你今不走。等待幾時。向  
神謝介伽藍神聖。你保佑俺林冲弟子。脫離此難。無  
災無害。直至梁山。倘有寸進之日。那時重修廟宇。再  
塑金身。天尚未明。不免灑開脚步。走一回來也呵。



新水令 按龍泉血淚灑征袍恨天涯一身流落專心  
投水澗回首望天朝急走忙逃顧不得忠和孝

只看雲橫斗柄月色澄清宿鳥投林昏鴉歸陣好傷  
感人也呵。

駐馬聽 良夜迢迢投宿休將門戶敲遙瞻殘月暗渡  
重關急走荒郊身輕不憚路迢迢心忙又恐人驚覺  
魄散魂消紅塵中悞了咱五陵年少

水仙子 一朝直諫觸權豪百戰功勳做草茅平生勤  
苦無功效名不將來青史標爲國家總是徒勞再不得  
得倒金樽杯盤歡笑再不得撥琵琶把情調再不得  
謁金門環珮逍遙

折桂令 羨封侯萬里班超生逼做叛國紅巾背王黃  
巢恰便似脫扣蒼鷹離籬狡兔摘網騰蛟救急難誰  
誅正邪掌刑法難得皋陶鬢髮簫騷行李消條此一  
去博得箇斗轉天迴管教他海沸海沸山搖

鴈兒落 望家鄉去路遙想毋妻將誰靠俺這裡吉凶  
未可知他那裡生死應難料

得勝令 呀說得俺汗浸浸身上似湯澆急煎煎心內



似油調、幼妻室、今何在、老尊堂、恐喪了、劬勞、父母恩、  
難報、悲號、英雄氣、怎消、嘆英雄氣、怎消、

沾美酒、懷揣着雪、刃刃、懷揣着雪、刃刃、行一步、哭號、  
咷、急急羊腸、去路遙、且喜得、明星下照、昏慘慘、雲迷、  
霧罩、疎喇喇、風吹、葉落、振山林、聲聲虎嘯、遠溪間、哀、  
哀猿、叫、我呵、謊得俺、魂飄、膽消、百忙裡、走不出、山前、  
古道、

收江南、呀、又只見、烏鴉陣、陣起、松梢、數聲殘、角斷、漁、  
樵、松、投村、店伴、寂寥、想親幃、夢杳、空隨風、雨度、良宵、

故國空勞夢

思歸未得歸

此身渾寄跡

有淚濕沾衣



紅梨花記

計賺

生上茜裙紫袖映猩紅。飛絮輕颺花信風。好景更兼  
逢窈窕。千金一刻語非空。小生自遇王小姐之後。不  
覺神魂飄蕩。廢寢忘食。天下怎麼有這等樣美人。便  
覺功名富貴。盡皆輕了。好笑錢孟博。只管來催我去  
會試。雖則是他好意。他那知我心上事。就把一箇狀  
元撇在街上。小生難耐煩別了那人。遠遠去拾回來。  
昨日被我發作了幾句。想必今後不差人來了。就再



來。我也只是不去。且慢慢再住幾時。只一件。小姐雖  
則綢繆纏繞。但是曉去夜來。怎得尋箇計較。日間相  
聚便好。待他今晚來時。把這話對他商議。昨日有客  
來訪。今日要去答拜。不免趁早去了。就回。關門介掩  
却白雲關。來尋青眼客。下老旦提籃上老婢花婆是  
也。領錢爺命。去說趙解元赴京會試。提着這籃兒。西  
園採花去。走一遭也呵。

比點絳唇只爲着年老甘貧滿街厮趁。提着箇花籃  
兒爲營運。且度朝昏。將花朵作資本。

比混江龍入的園來。好花卉也。你看那洛陽丰韻。三  
春紅紫鬪精神。白的白碧桃初綻。紅的紅仙杏芳芬。  
嬌滴滴海棠開噴香。馥馥含笑氤氳。呀。什麼人扯住  
我笑介。元來是牡丹枝挂住了團花襖。薔薇刺抓扎  
起石榴裙。拂袖介爲甚的蝶翻了兩翅。粉蜂惹的滿  
頭紛非。關是金谷園中千朵豔。端只爲賣花頭上一  
枝春。把蜂蝶來引引。

呀。遠遠的趙解元來也。喏。只顧採花。看他問喏不問  
喏。生上可憐妖豔正當時。剛被狂風一夜吹。今日流



罵來舊處。百般言語怨空枝。小生方纔拜友而歸。已  
到寓所。呀。什麼人在那裡採花。我且上前去問一聲。

兀那老婆子。為甚採俺家的花朵。老旦作驚介

比油葫蘆。驀聽得喚一聲。婆子把咱喚。引三魂嚇的

我兢兢戰戰。可也沒逃奔。那哥哥咬定牙。將人狠。我

這裡忙伸手將花籃搵。我又不是園王家掌花人。又

沒有斗大花門印。為甚麼平白地將他花枝來損。且

只得上前去。告箇不是咱。見介哥。老婢子萬福。生回

揖介老旦折了花枝。是老婢子不是了。望乞恕罪。別

的休說。可看我貧老又單身

生這也罷了。

北天下樂。老旦則見他又手忙將禮數論回。也波喚。

喜津津。生婆子。我看你年紀老了。採這許多花何用。

難道自己戴。老旦老婢插戴。沒福插戴他。止。因為老

年人沒計度。饕餐採將來賣。幾文賣得來。換米薪。常

言道。人怕老來貧。

生元來你賣花為活。這也罷了。你只傾出來。我逐一

看看。或且有用得的。就問你買幾枝兒。老旦做傾介







用。老旦偏有楊柳最可恨。

么他在渭城客舍鬪清新。慣會送行人。蚤已是章臺  
濱。今日長條盡。則看他迎風襲襲籠烟裊。裊腸斷壩橋

生你籃兒裏還有別種麼。老旦你不見這籃。都空空  
的。再沒有了。生元來則這幾種。並沒奇異。值得幾文

錢。老旦這園中也則有這幾種。生難道則有這幾種。

我到有一種異花在那裏。可憐你又老又貧。送與你

去。多賣幾文錢何如。老旦哥。生受你。借來看看。生我

好好供在書房內。待我取出來。取花介。這是你可認

得這種花。叫甚名兒。老旦看驚介。呀。有鬼也。有鬼也。

生婆子。青天白日。有甚麼鬼。你見這花。那怎生驚駭

起來。老旦苦。哥却不知。這不是人間的花。這是鬼花。

生胡說。鬼那裡有花。要你說箇明白。老旦悞了老婢

子賣花也。明日來和你說。生婆子休去。你且說一箇

明。老旦我說來。你休害怕。生我不怕。老旦哥。這花園

是誰家。生是王太守家的花園。老旦可知道。你曉得

蓋花園的緣故麼。生不知。老旦王太守有箇小姐。性



愛看花。故此蓋這所花園。到得春間。萬花開綻。那小姐日日坐在亭子上看花。不意牆外有一秀才。闖入園中。與小姐四目相覷。兩意倦戀。只沒處下手。那小姐終朝思想。害相思病死了。王太守與夫人。捨不得他遠離。就埋在亭子後邊。那一靈不散。他塚墩上就長出一棵樹來。開的是紅梨花。那小姐每遇花開時。風清月朗之夜。常常現形。坐在亭子裏。只要纏擾年紀小的秀才。生怕介老旦哭介生婆子。却爲何哭起來。老旦老婢有箇孩兒。也是秀才。爲那城中熱鬧。借此花園看書困倦。只見月明如晝。捱到亭子邊去散步。不意亭子裏起陣怪風。現出一箇如花似玉的小娘子。與我孩兒四目相窺。兩情倦戀。當夜就要到孩兒書房中。只見亭子後邊。大叫說老夫人睡醒了。那小姐倉忙而去。說明晚又來。到得明晚。果然又到孩兒書房中來。手中携一枝紅梨花。那時孩兒年紀小。春心蕩漾。與他那話兒了。從此以後。夜來明去。勾不上一月。把孩兒送死了。咳。可憐。可憐。如今止存得一箇老身。好苦也。老旦又哭介生婆子。你可曾見怎麼



一箇模樣。老旦老身那裏得見。止聽得孩兒臨危時  
說。

寄生草他梳粧巧。打扮新藕絲裳愛。把纖紅襯眉灣。  
新月微微暈。櫻桃小口時時晒。青螺小髻挽烏雲。千  
般淹潤都裝盡。

生這一會兒。不由的害怕。老旦吓。吓。有鬼也。有鬼也。  
哥你看怪風來了也。

入卒律律旋風刮。黃登登幾縷塵。咳。王小姐。王小姐。  
你把我孩兒纏死。真堪憫。你送得我老年孤獨無投。  
奔你今朝又待將咱近。老旦折桃枝介。生這是桃枝。  
要他何用。老旦哥我那裏去尋法師仗劍頌天蓬。先  
打恁孃五十生桃棍。

生婆子。你不說。我那裡知道。兀的不說殺我也。老旦  
這裡不是久站之所。我去也。生扯住介。沒奈何。你再  
伴我會兒。老旦哥。你莫不也着他手了。說與我聽。生  
我死也。我死也。說不出。說不出。老旦咳。小姐。小姐。

賺煞尾我與你生前本無讐。今日賺得無人問。你何  
不把陰靈付付。但只顧將平人來害損。你便是逼人。



命惱凶神女弔客母喪門天魔崇撲弟野狐涎打  
郎君則恐罪業深地獄近下阿鼻絕人身哭介我那  
兒呵。可憐你三載幽魂何處沉淪咳。且喜波得這位  
哥可蚤有替代你生天路兒穩。

老旦下生弔場婆子轉來。阿呀。他去了。這會兒一發  
害怕。我那裡知這小姐。到是箇鬼。如今怎麼好也罷。  
建業開科。錢孟博幾次來催。止爲着那些頭腦不肯  
去。如今只得去了。思介琴劍書箱都在這書房裡。怎  
麼敢再進去取罷。撇下罷了。就今日快去別了孟博。  
就與他借些盤纏。快快上路去罷。



千金記

追賢

天下樂生上功名未遂令人笑思量起暗禪鬼消辛  
勤苦盡枉徒勞終湏埋沒荒郊草

世上萬般皆是命。果然半點不由人。我韓信投楚以  
來。只爲官卑職小。不稱吾才。爲此棄楚歸漢。又着我  
做連殿典官。纔管得三朝職事。被楚軍燒了倉廩。同  
事十二人。都問死罪。若非滕公放免。我韓信幾乎一  
命難逃。又蒙蕭丞相保舉。幸脫此難。我想起來。瓦礫



不離井上破。將軍難免陣中。倘或再有過犯。決不饒我了。不如棄此卑職。逃回家去。見我妻子一面罷。罷。罷。正是命運不該金紫貴。終歸林下作閑人。如今月朗風清。正好行路。誠恐後面又追趕來。不免打從山僻小路。逃出函關。再作區處。

新水令恨天涯流落客孤寒。恨天涯流落客孤寒。嘆英雄半生虛幻。坐下馬空踏遍山色。雄背。上劍光射着這斗牛寒。恨塞滿天地之間。雲遮斷玉砌雕欄。搵不住浩然氣。冲霄漢。

駐馬聽回首青山拍拍離愁滿。戰鞍舉頭新鴈呀呀的哀怨。半天寒。實指望龍投大海。駕天關。誰承望軍騎勒馬連雲棧。覷英雄如等閑。堪恨無端四海蒼生

眼下

雙聲子外上再追去。再追去。不顧程途杳。衆老爺。諸

將。上者。多少不追。怎麼獨追韓信。外諸將易得韓信。

難討。可作大將軍。鎮國奇寶。世上無雙人。間絕少。下

川撥棹生幹功名千難萬難。求進身兩次。三番。昨日

箇離了項羽。今日箇別了炎漢。不覺的皓首蒼顏對



着這月朗回頭把劍彈搵不住英雄淚眼

內敲鑼鼓介

雙聲子生鎮聞得鎮聞得鑼鼓喧天鬧可是軍中追

吾囉嗚何處可潛踪身埋芳草衆起得心慌剛剛奏

巧

衆韓爺且住馬者俺家老爺在此生是誰外韓先生

是我老夫住了馬

鴈兒落生丞相你將咱不住趕俺韓信則索把程途

盼外韓先生下馬與你講話生老丞相噤聲外韓先

生怎麼叫我噤聲生為甚麼恰相逢便噤聲非是俺

不言語相人慢

得勝令呀我則怕叉手告人難因此上懶下寶雕鞍

外我奉漢天子的命來請你生說着那漢天子猶心

困外先生若如此說你又欲投楚之意了生量着那

楚重瞳怎掛眼乘駿馬雕鞍向落日斜陽岸伴簑笠

綸竿我只待釣西風渭水寒釣西風渭水寒

外先生快下馬來漢天子有用你的好意你今一事

無成往那裡去生丞相



掛玉鉤我怎肯一事無成兩鬢班既然不用俺英雄

漢外先生為什麼不說而行連夜而走生因此上鐵

甲將軍夜渡關老丞相莫不是為馬來將人盼外馬

值得多少老夫自來生既不是為馬來有甚麼別公

幹外先生老夫特來請你轉騎要扶助漢室江山生

你着我扶助江山須保奏我掛印登壇

外這都在老夫身上先生請回去生是外小校可有

船麼衆有箇漁船在那裡外喚他撐過來叫船介丑

扮漁翁上來了來了繫了船請上船者生小校多少

時分了衆半夜了

七兄弟生半夜裡恰回還抵多少夕陽歸去晚澗水

潺潺環珮珊珊冷清清夜靜水寒這的是漁翁江上

晚

作上船介

收江南生脚踏着跳板手執着竹竿不住的把船灣

又只見沙鷗驚起蘆花岸見忒楞楞飛過了蓼花灘

似禹門浪激桃花泛

梅花酒呀雖然是暮景殘雖然是暮景殘外先生好

台春錦 千金 四十九 御



竹春金  
夜景。生恰夜靜更闌對綠水青山正天淡雲閑明滴  
溜銀蟾出海山光燦爛玉兔照天關呀撐開船掛起  
帆撐開船掛起帆俺紅塵中受塗炭恁綠波中覓衣  
飯俺乘駿馬去登山恁駕孤舟怯風寒俺錦征袍怯  
衣單恁綠簑衣不能乾俺空熬得鬢班班恁枉守定  
水潺潺俺不能勾紫羅襪恁空執定釣魚竿俺都不  
道這其間呀這的是烟波名利大家難上岸介抵多  
少五更朝外馬嘶寒對着一天星斗跨征鞍非是我  
倦譚這的是算來名利不如閒

外先生請來騎了。

煞尾生俺想這男兒受苦遭磨嘆恰便似蛟龍未濟  
逢乾旱塵蒙了戰策兵書消磨了杖劍瑤環暢道周  
帳秦營功太晚似這般涉水登山休休可着我便空  
長嘆外先生請了。生謝丞相執手相看我此一去你  
看我赤心報國辟土開疆若不用我我待釣一綸香  
餌明月清風笑你箇能舉薦的蕭何你便可再休來  
趕

奈子花外先生劉沛公附耳低言指日間拜將築壇



方歸私室。正欲接譚，我老夫回舍。去問書童，請韓老爺出來講話。書童回說：韓老爺騎了白馬去了。教我尋不見。如冰投炭，我一聞此言，諒先生此去，漢天下一定失矣。老夫朝衣也不卸，急跨征鞍也。電奔星馳，月下追趕回還。

前腔生感丞相吹噓微賤，料韓信福薄緣慳。三朝典客便遭刑憲。外先生此一回去，就要築壇拜將了。生當不得與劉之念。外先生老夫決不虛語。生老丞相言之當也。倘時來運至，一朝榮顯。

外帶馬過來，請韓老爺同去。生老丞相小生倘或一回去，漢王再不能重用。那時老丞相如何處之。外漢王再不聽老夫之言，即時解袍納印，觸堦而死。生如此。

還有一事。外怎麼說。生子房與小生一角文書在此。取書介外呀。韓先生是我老夫與沛公子房三人議定。要一箇與劉滅楚的文書。先生緣何一向不拿出出來。生將書出來。又道小生于豫老丞相了。外韓先生快請到寒家去住幾日，必有分曉。

月下相追意甚濃

勒馬揚鞭轉蜀中



只憑一紙與劉表

早向轅門奏沛公

千金記

點將

中呂粉蝶兒生上手摘星辰脚平踏禹門潮信吐虹  
霓千丈絲綸整乾坤清四海怎肯教魚龍一混今日  
箇得志羽扇綸巾再休想踐窮途客身難奔昨日箇  
看青山觀綠水劍光昏今日箇白馬紅纓綵色新都  
做了一宵夢裡遇閒人俺韓信也不似這般諄諄三  
省吾身五陵豪氣今日箇一言難盡

身為元帥出天恩奉統貔貅百萬兵令出陣前人馬



服。威行闔外鬼神驚。印似斗。劔如銀。蓮花帳。禮定乾坤。英雄此日雖遭遇。憶昔相逢跨下人。

石榴花。昨日箇從征。馳千里。薦紅塵。單騎遇私奔。若不是朝中宰相可也。自勞神把飄零客。身引入賢門。若不是老丞相追趕呵。這其間趁西風人遠天涯近。衆公卿步步趨迎。擺列着七層圍子可也。迎韓信。這的是天子重賢臣。

前腔。跌不得舞蹈揚塵。暢好似撲搭地謁至尊。不若如文王可也。自臨自臨至渭濱。諫着這箇響鐵之夫。怎受得恩。怎做得那社稷臣。因陛下納諫如流。因此上丞相呵。把我來奏准。

昨蒙聖上。拜我爲大將。身作那家打石。胸藏文武才能。吐氣則雲霞散彩。出口則雷電爭光。一怒須教羣醜喪。九州方見大同風。卽今勅吾統領大兵。下壇之時。密陳一本。衆將皆居王位。若令不從。將如之何。蒙主降旨。明白道來。如朕不在。在爾要罪。我見軍中傲物氣高者多。必須先振軍心。纔可行兵。叫曹叅。雜應介。有生與我傳令。一鼓絕埋鍋造飯。二鼓絕整身披



掛三鼓絕。眾將上壇聽點。應介生再與我掛兩行牌額。聽點不到者斬。擅闖營門者斬。聞鼓不進者斬。聞金不退者斬。語笑喧譁者斬。奸人妻女者斬。洩漏軍機者斬。交頭接耳者斬。邀功奪戰者斬。臨陣不顧者斬。雜照前白。眾應生搥鼓聚將。搥鼓介眾將上生眾將收斂兵器。上前打恭。眾打恭介生眾將官當職蒙皇上之恩寵。領兵家之將權。在我者披肝掛膽。在爾者并力同心。鼓者進。金者退。須加嚴謹。功者賞。罪者罰。我不食言。汝等可知道我的官衙麼。眾應介不知

生大漢左丞相。天保大將軍。關外六國都招討。征東破楚神策大元帥。韓起在一邊聽點。眾應介奏稟元帥。眾將花名號簿。生取上來。首將曹叅。應介九江王英布。應介大將陳豨。應介大梁王彭越。應介大將張耳。眾應御差。武楊侯樊噲。應介大將周勃。應介大將灌嬰。眾應御差。生怎麼有許多御差。眾未蒙之先。差出造船。生這也不完了。生大將魏豹。應介大將周昌。應介老將王陵。應介呂馬通。應介大將夏戾嬰。應介閔子奇。應介大將紀信。應介酈食其。應介大將傅餐。



應介雍齒。應介大將黔布。應介丁公。應介盧縮。應介

大將殷蓋。衆應不到。生昨日分付聽點衆將俱到。他

如何故違軍令。擄來。應介殷蓋上。將相本無種。男兒

當自強。衆元帥點名不到。叫擄你去。殷蓋當面。生昨

日分付聽點衆將俱到。你何故來遲。丑今日元帥出

軍。與妻子喫杯離別酒。故此來遲。生咄。豈不聞受命

於君。則忘其親。將軍約法。則忘其家。既以一身許國。

豈有妻子之念乎。

出隊子我今日呵登壇點將。我今日呵登壇點將說

甚麼暮登天子堂。我今五申三令不尋常。從來的將

相本難量。叫曹叅快與我將他斬首在轅門外廂。

雜獻首級。生懸掛轅門示衆。中淨可惱。可惡。韓信這

儒夫。與漢家並無抗箭之功。就斬了一員大將。生曹

叅。是什麼人喧嘩。雜先鋒樊噲。生你與我擄過來。擄

介樊噲。你何故喧嘩。亂我軍心。中淨韓信。你無資身

之策。乞食於漂母。又無兼人之勇。受辱於跨下。漢王

拜你爲將。並無折箭之功。怎麼就斬了一員大將。可

惱。可惱。生咄。豈不知我居楚不過執戟侍漢。不出連



厥。昨日與你一殿之臣。今日違吾將令。推出轅門。斬訖報來。中淨韓信。你這餓夫。一介小人。吾乃椒房之親。有何德能。就敢斬我。生你倚着椒房之親。說我是箇小人。你聽者。

十二月伊尹曾耕於有莘。子牙曾守定着絲綸。傳說在岩墻版築。夫子在陳蔡居貧。休笑俺是白衣庶人。休笑俺是白衣庶人。蕭何他也是黎民。從來將相出寒門。一朝天子一朝臣。薦賢的爲國大元的。這勳你是箇低頭喫肉大將軍。賣弄你花也麼唇。幾曾見你懸鎗刀劍戟。掄我只見你殺狗處。持刀办樊噲。

哈麻子。你道我跨下夫。你道我跨下夫。俺今日列兩行文共武。你道我乞食於漂母。你是箇殺狗一屠夫。你道是椒房親戚。他除授我元戎帥府。有相國推輪捧轂。休在吾行強辯。霎時間斬首無徒。

自古拜將一節。由軒轅拜封侯。以滅蚩尤。秦王拜王翦。并吞六國。武王拜太公。滅紂興周。今主公拜韓信。只要滅項典劉。我今日在此。上不知有天下。下不知有地。前不知有君。後不知有臣。只聽闖外將軍令。那待



回朝請指揮。叫曹叅快推出轅門。斬訖報來。外急上

聖旨留樊噲。雜蕭何擅闖營門。生拿蕭何砍了。外有

玉札。生既有玉札請過來。外立正場聖旨留人。生拜

愿吾皇萬歲萬歲。聖上不知留何人。外聖上有旨

殷蓋故違將令。誅得正當。今有樊噲乃椒房之親可

看朕面饒他一命。生請過聖旨。老丞相此來差了。既

有聖旨合該先着人通報。我好接旨。又是韓信今日

在此點將。若是與項羽交戰。還是接旨好。還是交兵

好。倘有奸細。吾何防之。外是不敢。生這旨意不是赦

樊噲的。單赦了老丞相的罪了。請回。外是

上小樓。生老丞相你不該擅闖營。你前來違吾號令

本待要斬首在轅門。又道是不近人情。叫曹叅蕭何

是馬來。的步來的。雜馬來的。生把馬去四足。把馬夫

砍了。以代蕭何之罪。雜應介你快疾行莫暫停休。得

要謙遜。你若少遲延。教你霎時命傾。

外帶馬來。雜老丞相擅闖營門。合該處斬。元帥將馬

別了四足。馬夫砍了。以代丞相之罪。外煩將軍通報。

蕭何謝罪。雜蕭何謝罪。生明日帥府相見。外漢室將



興令如山嶽動言出鬼神驚。生叫曹叅帶樊噲過來。吽狗夫狗夫。我道你爲何轍敢大膽。原來倚托椒房之親。你說我沒有半枝抗箭之功。就斬了一員大將。不是我誇口說取漢室江山。劉王社稷。在番掌耳。你道鴻門救駕。獨虧于汝。汝何不請你主公。帝居咸陽。拜我韓信何用。聖旨留你。死罪饒了。活罪怎麼饒得。發軍政司。重打一百。雜帶下。復上介。

雪裡梅生樊噲你可自知罪。奉聖旨且饒伊。恁害了相國蕭何。險赴法雲陽市裡。將那人爪了首級馬。別了四足。從來軍令不見戲。你快疾行。明修棧道。莫羈遲。使各國禦戰敵。迅雷不及掩耳。限你箇三朝五日。星夜奔馳。不憚驅馳。修築沙堤。若是違。吾號令。罪不容恕。你若藐視軍機。樊噲休想我輕輕的放過伊。

真你三千老弱軍馬。明修棧道。近前來。附耳低語介。只許你修。不許你完。中淨得令。下生衆將過來聽令。衆應介。殷蓋來遲。吾以斬首。樊噲喧嘩。吾以痛責。王法無情。各宜遵守。三令五申。七符六詔。雖云兵法有奇。其實兵行詭道。衆應介。



山花子生築壇拜將君王命諒諸侯敢違吾令笑西  
楚刻日定秦燕齊趙魏遭迤衆將軍必須用心明修  
棧道須早行陳倉暗度須用心指日鞭敲奏凱回程







